

## FOND MEMORIJALA

FOND KANTONA SARAJEVO ZA IZGRADNJU I OČUVANJE  
GROBALJA ŠEHIDA I POGINULIH BORACA, MEMORIJALNIH  
CENTARA I SPOMEN-OBILJEŽJA ŽRTAVA GENOCIDA

Broj: UO/13-117/18

Sarajevo, 15.05.2018. godine

## MEMORIAL FUND

SARAJEVO CANTON FUND FOR CONSTRUCTION  
AND PRESERVATION OF VETERAN'S CEMETERIES, MEMORIAL  
CENTRES, AND MONUMENTS FOR GENOCIDE VICTIMS

Na osnovu člana 5. Odluke o osnivanju Fonda Kantona Sarajevo za zaštitu i održavanje grobalja šehida i poginulih boraca, memorijalnih centara i spomen-obilježja žrtava genocida (« *Službene novine Kantona Sarajevo*», br. 28/04-Prečišćeni tekst, 9/06, 31/07), člana 11. Statuta Fonda Kantona Sarajevo za zaštitu i održavanje grobalja šehida i poginulih boraca, memorijalnih centara i spomen-obilježja žrtava genocida („*Službene novine Kantona Sarajevo*“, broj: 7/05 i 3/07), tačke 2. u dijelu „Ostale odredbe“ Plana javnih nabavki Fonda memorijala broj: 13-01-95/18 od 23.01.2018. godine, a razmatrajući Zahtjev Pomoćnika direktora Sektora za poslove izgradnje, uređenja i održavanja grobalja, spomen-obilježja i memorijalnih centara, broj: 13-49-95/18 od 10.05.2018. godine, za izmjenu i dopunu Plana javnih nabavki za 2018. godinu, predsjednik Upravnog odbora Fonda memorijala, donosi

### ODLUKU

#### **o izmjeni Plana Javnih nabavki za 2018. godinu (broj: UO/13-95/18 od 23.01.2018. godine)**

#### I

Ovom odlukom odobrava se izmjena Plana javnih nabavki Fonda memorijala za 2018. godinu, broj: UO/13-95/18 od 23.01.2018. godine.

**Na poziciji pod rednim brojem 3. - Nabavka roba, usluga i radova koji se odnose na realizaciju kapitalnih projekata, vrši se izmjena kako slijedi:**

- U tački A) Izgradnja mezarja šehida i poginulih boraca, spomen obilježja i izrada i postavljanje nišana/spomenika navedene pozicije, mijenja se procijenjena vrijednost javne nabavke pod rednim brojem 5.- “Izgradnja obeliska i ispis dodatnih imena poginulih boraca na Igmanu - Veliko polje” i sada iznosi 65.000,00 KM bez PDV-a, odnosno, 76.000,00 KM sa PDV-om. Za navedenu nabavku ne mijenja se vrsta postupka. Shono naprijed navedenom, za naprijed navedenu nabavku preusmjerit će se preostala novčana sredstva od provedene javne nabavke pod nazivom “*Izgradnja hair česme u Laisci, općina Ilidža*” (Tačka A, redni broj 3.) i provedene javne nabavke pod nazivom “*Izrada i postavljanje nišana i spomenika za šehide, umrle branitelje i roditelje šehida koji ostvaruju pravo na nišane*” (Tačka A, redni broj 1.), u ukupnom iznosu od 38.900,00 KM. Preostala novčana sredstva obezbjedit će se putem preraspodjele sa projekata koji se neće realizovati.

#### II

Ostale stavke u Planu Javnih nabavki za 2018. godinu broj: UO/13-95/18 od 23.01.2018. godine ostaju na snazi, nepromjenjene.

Sastavni dio ove odluke čini Zahtjev Pomoćnika direktora Sektora za poslove izgradnje, uređenja i održavanja grobalja, spomen-obilježja i memorijalnih centara.

### III

Ova odluka stupa na snagu danom donošenja.

#### O b r a z l o ž e n j e

Dana 10.05.2018.godine Pomoćnik direktora Sektora za poslove izgradnje, uređenja i održavanja grobalja, spomen-obilježja i memorijalnih centara, Ljubunčić Fedina, obratila se zahtjevom direktoru Fonda memorijala za izmjenu Plana Javnih nabavki za 2018.godinu, odnosno za izmjenu iznosa procijenjene vrijednosti za javnu nabavku pod nazivom "Izgradnja obeliska i ispis dodatnih imena poginulih boraca na Igmanu - Veliko polje". Naime, u momentu sačinjavanja Plana javnih nabavki za nabavku pod nazivom „Izgradnja obeliska i ispis dodatnih imena poginulih boraca na Igmanu - Veliko polje“ Fond memorijala planirao je uraditi jedan obelisk na kojem će biti ispisana imena 111 poginulih boraca i isti pozicionirati na postojeći plato, iza 4 postojeća obeliska. Međutim, izlaskom na teren ustanovljeno je da je postojeće spomen-obilježje u jako lošem stanju, te da je većina kamenih pločica popucala i odvojila se od podloge. Shodno prethodno navedenom, utvrđeno je da se samo dogradnjom novog obeliska i sanacijom postojećih ne bi trajno riješio problem. Naime, Fond memorijala bi, shodno dosadašnjem iskustvu, opet imao intervencije na postojećim obeliscima, te je utvrđeno da je najbolje rješenje zamjena sva četiri obeliska i izrada novih masivnih stepenica i novo popločanje platoa, a što za rezultat ima povećanje vrijednosti nabavke sa 20.000,00 KM na 76.000,00 KM sa PDV-om. Također, utvrđeno je da se za naprijed navedenu nabavku mogu obezbjediti potrebna sredstva putem preostalih novčanih sredstva od već provedene javne nabavke pod nazivom "Izgradnja hair česme u Laisci, općina Ilidža" (Tačka A, redni broj 3.) i provedene javne nabavke pod nazivom "Izrada i postavljanje nišana i spomenika za šehide, umrle branitelje i roditeklje šehida koji ostvaruju pravo na nišane" (Tačka A, redni broj 1.), u ukupnom iznosu od 38.900,00 KM, a da se preostala novčana sredstva mogu obezbjediti putem preraspodjele sa projekata koji se neće realizovati.

Shodno podnesenom zahtjevu, direktor je razmotrio isti i utvrdio opravdanost tražene izmjene, na temelju čega je dao svoju saglasnost. Nakon davanja saglasnosti direktora Fonda memorijala, predmetni zahtjev je prosljeđen članovima Upravnog odbora Fonda memorijala, budući da je Upravni odbor organ koji odlučuje o izmjenama Plana Javnih nabavki za 2018. godinu. Upravni odbor je razmotrio predmetni zahtjev na svojoj 18. Redovnoj sjednici, održanoj 15.05.2018. godine, i utvrdio da je predmetni zahtjev opravdan.

Imajući u vidu naprijed navedeno kao i da se navedene izmjene mogu izvršiti u skladu sa tačkom 2. - u dijelu „Ostale odredbe“- Plana javnih nabavki Fonda memorijala broj: 13-01-95/18 od 23.01.2018.godine, Upravni odbor je odlučio kao u dispozitivu ove odluke.

**Prilog:** Naveden u tekstu

**PREDSJEDNIK UPRAVNOG ODBORA**

**Bego Šelimović**


#### Dostaviti:

- Sektor za poslove izgradnje, uređenja i održavanja grobalja, spomen-obilježja i memorijalnih centara
- Sektor za pravne, ekonomske i opće poslove
- a/a



## FOND MEMORIJALA

FOND KANTONA SARAJEVO ZA IZGRADNJU I OČUVANJE  
GROBALJA ŠEHIDA I POGINULIH BORACA, MEMORIJALNIH  
CENTARA I SPOMEN-OBILJEŽJA ŽRTAVA GENOCIDA



## MEMORIAL FUND

SARAJEVO CANTON FUND FOR CONSTRUCTION  
AND PRESERVATION OF VETERAN'S CEMETERIES, MEMORIAL  
CENTRES, AND MONUMENTS FOR GENOCIDE VICTIMS

Broj: 13-49- 95/18

Sarajevo, 10.05.2018. godine

- OVDJE -

N/r DIREKTORA

**PREDMET:** Zahtjev za izmjene u Planu javnih nabavki za 2018. godinu

Poštovani,

Plan javnih nabavki Fonda memorijala za 2018. godinu urađen je u januaru tekuće godine, a objavljen je na stranici Fonda memorijala 23.01.2018. godine. Planom javnih nabavki u okviru kapitalnih projekata predviđena je nabavka "Izgradnja obeliska i ispis dodatnih imena poginulih boraca na Igmanu – Veliko polje" čija je procijenjena vrijednost bila 17.000 KM bez PDV-a. Godinama egzistira problem oko ispisa dodatnih imena poginulih boraca na spomen obilježju na Velikom polju - Igman. Fond memorija od 2016. godine intezivno traga za imenima poginulih boraca koja bi trebala biti dodatno upisana na ovom spomen obilježju i došli smo do brojke od 111 šehida i poginulih boraca. Na ovaj spisak dobili smo i Saglasnost Ministarstva za boračka pitanja KS. Za ispis 111 imena poginulih boraca potrebno je uraditi jedan obelisk dimenzija 1,5 x 0,30 x 2,5 m, (istih dimenzija kao i 4 postojeća na kojima je upisano 417 imena). Projektom je predviđeno da se obelisk radi od masivnog kamena, i da se pozicionira na postojeći plato iza 4 postojeća obeliska. Međutim izlaskom na teren poslije zime ustanovljeno je postojeće spomen obilježje u jako lošem stanju. Postojeći obelisci su rađeni od betona i obloženi su kamenim pločicama sa ispisanim imenima. Većina kamenih pločica je popucala, neke su se odvojile od podloge i pitanje je vremena kad će da otpadnu, plato na dijelu gdje je popločan hrešom je sav ispucao i potrebno je zamjeniti sve ploče, kamen na stepenicama je ispucao. U proteklih 20 godina, otkada je napravljeno ovo spomen obilježje, skoro svake godine smo imali intervencija na njemu u smislu zamjene popucalih ploča sa imenima, dopisivanja novih imena ili sanacije stepenica i platoa, što dodatno ostavlja sliku šarolikosti u smislu više vrsta kamena (hreša i traventin i dr.). Dogradnjom novog obeliska i sanacijom postojećih ne bi trajno riješili problem,


opet bi svake godine imali intervencije na postojećim. Predlažem da se ovo spomen obilježje uradi na kvalitetan način, da se zamjene sva četiri obeliska i urade nove, masivne stepenice i novo popločanje platoa. Na postojećim obeliscima ima ispisano 417 imena, ukoliko bi smanjili razmak između redova i povećali obeliske za 10-15 cm ne bi bilo potrebe za petim obeliskom, odnosno sva imena, postojećih 417 i dodatnih 111, moglo bi stati na 4 obeliska. Na ovaj način imena bi bila poredana po abecednom redu, zadržali bi isti raspored i sva imena bi bila vidljiva. Predlažem da se sve uradi od kvalitetnog kamena – **granita svijetlije boje**, tipa behtel white, bianco sardo i to kao "masiva", što podrazumijeva kamene blokove iz jednog komada, a ne beton obložen kamenim pločicama. Na ovaj način bi dugotrajno riješili ovo spomen obilježje, smanjili troškove sanacije svake godine, ne bi bilo otpadanja ploča usljed velikih temperaturnih razlika tokom zime, ne bi bilo šarolikosti, sve bi bilo urađeno od istog kamena i na isti način, svakom obelisku bi se moglo pristupiti sa stepenica (ne bi bio peti u pozadini). Za ovako predloženo rješenje urađena je procjena i vrijednost svih radova bi iznosila cca 65.000 KM bez PDV-a, odnosno 76.000 KM sa PDV-om.

Ovaj projekat se realizuje sa stavke kapitalnih izdataka (Konto 615 200) gdje je između ostalog i izrada i postavljanje nišana i izgradnja hair česme u Lasici. Nakon provedene procedure na ove dvije nabavke ostalo nam je cca 38.900 KM koje bi iskoristili za ovaj projekat. Ostatak nedostajućih sredstava obezbjedili bi preraspodjelom sa projekata za koje je već sad izvjesno da se neće realizovati. Jedan od takvih je "Revitalizacija i izgradnja novih sadržaja na platou Žute tabije – I faza" gdje je predviđeno 80.000 KM sa PDV-om. Obzirom da ni do danas nismo dobili urbanističku saglasnost za revitalizaciju Žute tabije, odnosno pozitivno mišljenje na idejni projekat od strane Komisije za očuvanje nacionalnih spomenika izvjesno je da do kraja godine nećemo pribaviti potrebnu dokumentaciju tako da se neće realizovati planirana nabavka.

U prilogu Vam dostavljam fotografije trenutnog stanja spomen obilježja.

Podnosilac zahtjeva:

Fedina Ljubunčić, pom. direktora



SAGLASAN:

Suad Zijadić, direktor

